



Na osnovu člana 9. Zakona o kantonalnim ministarstvima i drugim tijelima kantonalne uprave (Službene novine Srednjobosanskog kantona, broj: 8/03 i 14/03) te na osnovu Odluke Vlade Srednjobosanskog kantona o usvajanju izmjena i dopuna Programa i kriterija utroška sredstava ostvarenih od vodnih naknada za 2025. godinu iz nadležnosti Ministarstva poljoprivrede, vodoprivrede i šumarstva SBK, broj 01-11.7-10028/2025 od 6.11.2025. godine iz nadležnosti Ministarstva poljoprivrede, vodoprivrede i šumarstva u 2025. godini, objavljuje:

**JAVNI POZIV
za odabir korisnika sredstava
ostvarenih od vodnih naknada -poticaj vodoprivredi,
iz nadležnosti Ministarstva poljoprivrede, vodoprivrede i šumarstva
Srednjobosanskog kantona za 2025. godinu (utrošak preostalih sredstava)**

I. PREDMET POZIVA

Objavljuje se javni poziv za dodjelu sredstava za finansiranje i sufinansiranje projekata u oblasti vodoprivrede i to:

1. Pozicija ekonomski kod **6151** subanalitika **JAU004** pozicija „**Kapitalni transferi drugim nivoima vlasti i fondovima – poticaji vodoprivredi**“ u iznosu od **69.866,32 KM;**
2. Pozicija ekonomski kod **6154** subanalitika **JAU 007** „**Kapitalni transferi javnim preduzećima - poticaji vodoprivredi**“ u iznosu od **246.840,00 KM;**
3. **Tekući transferi neprofitnim organizacijama- poticaji vodoprivredi-** ekonomski kod **6143** subanalitički kod **JAN001** u iznosu od **86.000,00 KM.**

Sredstva za ove namjene su predviđena Budžetom Srednjobosanskog kantona za 2025. godinu u Ministarstvu poljoprivrede, vodoprivrede i šumarstva i u skladu sa Odlukom Vlade Srednjobosanskog kantona o usvajanju izmjena i dopuna Programa i kriterija utroška sredstava ostvarenih od vodnih naknada za 2025. godinu iz nadležnosti Ministarstva poljoprivrede, vodoprivrede i šumarstva, broj 01-11.7-10028/2025 od 6.11.2025. godine.

II. NAMJENA

Predviđena sredstva koristit će se za:

1. Sufinansiranje izrade projektne dokumentacije za vodne objekte, odnosno za projekte od značaja za jedinice lokalne samouprave (JLS) i Mjesne samouprave (mjesne zajednice)- (zaštitni vodni objekti, vodni objekti za iskorištavanje vode, vodni objekti za zaštitu voda, višenamjenski vodni objekti) na području općina Kantona,

2. Sufinansiranje izgradnje vodnih objekata, odnosno za projekte od značaja za jedinice lokalne samouprave (JLS) i Mjesne samouprave (mjesne zajednice) (zaštitni vodni objekti, vodni objekti za korištenja voda, vodni objekti za zaštitu voda) na području općina Kantona,
3. Sufinansiranje održavanja vodnih objekata, odnosno za projekte od značaja za jedinice lokalne samouprave (JLS) i Mjesne samouprave (mjesne zajednice) (zaštitni vodni objekti, vodni objekti za korištenja voda, vodni objekti za zaštitu voda) na području općina Kantona,
4. Sufinansiranje izrade projektne dokumentacije projektovanje vodnih objekata, odnosno projekte od značaja za javno preduzeće i jedinice lokalne samouprave (JLS) i Mjesne samouprave (mjesne zajednice)
5. Sufinansiranje - izgradnja vodnih objekata, od značaja za javno preduzeće i jedinice lokalne samouprave (JLS), i Mjesne samouprave (mjesne zajednice)
6. Finansiranje/sufinansiranje - održavanja vodnih objekata, od značaja za javno preduzeće i jedinice lokalne samouprave (JLS) i Mjesne samouprave (mjesne zajednice)
7. Finansiranje/sufinansiranje svih investicijskih poslova i nadzora nad izgradnjom vodnih objekata iz programa razvoja vodoprivrede Kantona,
8. Finansiranje/sufinansiranje studije o mogućnosti iskorištenja hidropotencijala na području SBK
9. Finansiranje/sufinansiranje istražnih radova te izrada investiciono tehničke dokumentacije,
10. Finansiranje/sufinansiranje izrade Strategije upravljanja vodama u SBK 2025.- 2027. godine,
11. Finansiranje/sufinansiranje izrade Plana upravljanja vodama u SBK za period 2025.- 2027.godina.
12. Finansiranje/sufinansiranje otplate kredita i kamata po projektu „Plava voda,, preuzeta obaveza iz prethodnog perioda.
13. Finansiranje/sufinansiranje studije izvodljivosti pripreme i projektiranja i razvoja.
14. Sufinansiranje projekata upravljanja vodama radi:
 - a) smanjenje onečišćenja voda, postizanja dobrog statusa voda i sprječavanja degradacije voda;
 - b) postizanja održivog korištenja voda;
 - c) osiguranje pravičnog pristupa vodama;
 - d) poticanje društvenog i privrednog razvoja;
 - e) zaštita ekosistema;
 - f) smanjenje rizika od poplava i drugih negativnih uticaja voda;
 - g) osiguranje udjela javnosti u donošenju odluka koje se odnose na vode;
 - h) sprječavanja i rješavanja sukoba u pogledu zaštite i korištenja voda.

III. PRAVO UČEŠĆA

Pravo na podnošenje projekata na osnovu objavljenog javnog konkursa iz oblasti vodoprivrede, te ostalih poslova i zadataka, imaju subjekti sa područja SBK i to:

- a) Jedinice lokalne samouprave i najnižim jedinicama mjesne samouprave (mjesne zajednice) koji će projekat realizovati na području Kantona;
- b) Javna preduzeća;
- c) Nefitne organizacije.

IV. SADRŽAJ ZAHTEVA ZA UČESTVOVANJE NA JAVNOM POZIVU

Zahtjev mora biti urađen sadržajno po traženim elementima i potrebnoj dokumentaciji ovisno o pojedinom projektu i to: **0.** Naziv projekta, **1.** Osnovni podaci podnosioca zahtjeva, **2.** Područje provedbe projekta, **3.** Projekat finansiranja, **4.** Ekološki aspekti investicije, **5.** Ostale aktivnosti.

Uz ovaj zahtjev potrebno je dostaviti i obavezne priloge koji su navedeni u **opštim uslovima/eliminatornim uslovima kriterija za ocjenu prijave.**

1. Zahtjev za uključivanje u projekt

Pod pojmom Zahtjev za uključivanje u program podrazumijeva se uredno popunjen Obrazac „Zahtjev za uključivanje u program“.

Ukoliko Zahtjev za uključivanje u program nije ovjeren i potpisan od odgovorne osobe, odbiti će se i neće biti predmet daljeg razmatranja Komisije.

2. Obavezni prilozi

Pod ostalim priložima podrazumijevaju se oni prilozi koji se traže od podnosioca prijave, kojima podnositelj prijave dokazuje da li je kompetentan, pouzdan i da li redovno ispunjava svoje zakonske obaveze.

Prijave koje ne sadrže zahtijevanu dokumentaciju, bit će odbijene i neće biti predmet daljeg razmatranja Komisije.

Sva priložena dokumenta moraju biti izdana od strane nadležnih sudskih ili upravnih organa. Priložena dokumenta ne smiju biti stariji od 6 (šest) mjeseci od dana objavljivanja ovog poziva, izuzev rješenja o registraciji pravnog subjekta, uvjerenja o poreznoj registraciji i uvjerenja o registraciji PDV-a.

V. KRITERIJI ZA OCJENU PRIJAVE I IZBOR KORISNIKA

Komisija/nadležna služba za razmatranje primljenih projekata na osnovu javnog poziva, vrednovanje primljenih projekata i sačinjavanje prijedloga odluke o dodjeli sredstava izvršiti će ocjenu prijave i vrednovanje projekata na osnovu slijedećih kriterija:

OPŠTI USLOVI- eliminatorni uslovi

a) eliminatorni uslovi-javna preduzeća

- Upis u odgovarajući registar i/ili osnivačkim aktom područje djelovanja koje je u skladu sa prioritetima za koje se dodjeljuju budžetska sredstva;
- Uredno ispunjavanje obaveza iz svih prethodno sklopljenih ugovora o finansiranju iz budžetskih sredstava(izjava);
- Uredno ispunjavanje obaveze plaćanja poreza i doprinosa (direktni i indirektni porezi - Potvrda nadležne porezne ispostave za porez i doprinose ili sporazum, Potvrda nadležnog računskog centra Uprave za indirektno oporezivanje ili sporazum);
- Uredno izmirenje obaveza po osnovi neporeznih prihoda(koncesionih naknada i sl.), (potvrda o izmirenim neporeznim prihodima-koncesionim naknadama);
- Kopija aktivnog bankovnog računa(potvrda iz banke).

b) eliminatorni uslovi-drugi nivoi vlasti-općine

- Uvjerenja o poreznoj registraciji (identifikacijski broj: ID broj)
- Uredno ispunjavanje obaveze plaćanja poreza i doprinosa (direktni i indirektni porezi - Potvrda nadležne porezne ispostave za porez i doprinose ili sporazum, Potvrda nadležnog računskog centra Uprave za indirektno oporezivanje ili sporazum;
- Rješenje o registraciji za obavljanje djelatnosti,
- Kopija lične karte odgovorne osobe,
- Kopija aktivnog bankovnog računa / potvrda iz banke.

c) eliminatorni uslovi- drugi nivoi vlasti -mjesne zajednice/mjesne samouprave

- Uvjerenja o poreznoj registraciji (identifikacijski broj: ID broj)
- Uredno ispunjavanje obaveze plaćanja poreza i doprinosa (direktni i indirektni porezi - Potvrda nadležne porezne ispostave za porez i doprinose ili sporazum, Potvrda nadležnog računskog centra Uprave za indirektno oporezivanje ili sporazum;
- Rješenje o registraciji za obavljanje djelatnosti,
- Kopija lične karte odgovorne osobe,
- Rješenje o imenovanju izabranih predstavnika mz,
- Kopija aktivnog bankovnog računa / potvrda iz banke.

d) eliminatorni uslovi-neprofitne organizacije

- Uvjerenja o poreznoj registraciji (identifikacijski broj: ID broj)
- Uredno ispunjavanje obaveze plaćanja poreza i doprinosa (direktni i indirektni porezi - Potvrda nadležne porezne ispostave za porez i doprinose ili sporazum, Potvrda nadležnog računskog centra Uprave za indirektno oporezivanje ili sporazum;
- Rješenje o registraciji za obavljanje djelatnosti,
- Kopija lične karte odgovorne osobe,
- Rješenje o imenovanju izabranih predstavnika,
- Kopija aktivnog bankovnog računa / potvrda iz banke.

Nepotpuna dokumentacija se neće uzimati u obzir i dalju obradu.

POSEBNI USLOVI-kriteriji za vrednovanje projekata sa bodovanjem

- Usklađenost ciljeva programa ili projekata sa ciljevima i prioritetim oblastima iz strateških dokumenata iz kojih su izvedeno prioriteta za dodjelu sredstava koji definišu program ruralnog razvoja; (30b)
- Postotak vlastitog udjela u financiranju projekta; (20b)
- Uticaj projekta na zaštitu voda; (20b)
- Uticaj projekta na pravičan pristup vodama; (10b)
- Uticaj projekta na umanjenje negativnih posljedica voda; (10b)
- Uticaj projekta na klimatske promjene; (10b)

Za posebne uslove je potrebno dostaviti **izjavu/projekat** od strane istog koje se prijavljuje.

Na bazi navedenih kriterija izvršiti će se bodovanje u skladu sa prezentiranim.

VI. POSTUPAK

Ministarstvo će postupak provoditi shodno Smjernicama o minimalnim standardima dodjele budžetskih sredstava putem transfera i subvencija u FBiH („Službene novine FBiH“, broj 37/24).

VII. PREUZIMANJE POTREBNE DOKUMENTACIJE

Potrebnu dokumentaciju za učešće na Javnom pozivu, pripremio je Ministarstvo poljoprivrede, vodoprivrede i šumarstva, ista se može preuzeti elektronskim putem na web stranici Vlade SBK www.sbk-ksb.gov.ba ili u prostorijama Ministarstva poljoprivrede, vodoprivrede i šumarstva u Travniku, ulica Prnjavor 16A svakim radnim danom u vremenu od 08-11 sati.

VIII. PODNOŠENJE PRIJAVE

Prijave sa odgovarajućom dokumentacijom, šalju se lično ili preporučeno poštom u zapečaćenim kovertama na adresu:

Ministarstvo poljoprivrede, vodoprivrede i šumarstva
Stanična 43
72270 Travnik

sa naznakom: „**NE OTVARATI – Zahtjev po javnom pozivu za odabir korisnika ostvarenih iz vodnih naknada iz nadležnosti Ministarstva poljoprivrede, vodoprivrede i šumarstva Srednjobosanskog kantona u 2025. godini (utrošak preostalih sredstava)**“, sa pozivom na broj: 06-21-10081/25

Rok za dostavu programa – projekata je 15 (petnaest dana) od dana objave javnog poziva.

Prijave primljene nakon isteka roka neće biti razmatrane.

Utrošak namjenskih sredstava je ovisan o ukupno prikupljenim prihodima, odnosno ukoliko se ostvare manji prihodi iznosi će se korigovati za procenat manje prikupljenih prihoda.

IX. TROŠKOVI PROJEKTA – PROGRAMA

U postupku javnog konkursa Ministarstvo poljoprivrede, vodoprivrede i šumarstva ne snosi nikakve troškove učesnicima poziva, te zadržava pravo da prijavu prihvati u cijelosti, djelomično ili je u potpunosti odbije, poništi javni poziv ili odbaci sve prijave u bilo koje vrijeme prije sklapanja ugovora.

Ministarstvo poljoprivrede, vodoprivrede i šumarstva neće snositi nikakvu odgovornost prema učesnicima poziva, niti je obavezno objasniti razloge takve odluke. Prispjela dokumentacija neće se vraćati.

X. REKAPITULACIJA

Ministarstvo može vršiti preraspodjelu planiranih sredstava između pojedinih stavki programa u okviru ukupno planiranih sredstava iz ovog programa, ukoliko se za to ukaže opravdana potreba i to; nedovoljan broj kvalitetnih projekata određene grupe transfera a druge je bilo više i sl.

XI. OSTALE ODREDBE

Sa kandidatima čije se prijave prihvate, Ministarstvo poljoprivrede, vodoprivrede i šumarstva će potpisati Ugovor o implementaciji dodijeljenih sredstava, kojim će biti preciziran način i dinamika korištenja odobrenih sredstava, te nadzor nad trošenjem istih u namijenjene svrhe. Sve dopunske informacije vezane za poziv mogu se dobiti svakim radnim danom putem telefona broj 030/ 511 – 218 od 08,00 do 11,00 sati ili e-mail: mpvs@sbk-ksb.gov.ba.

Sve procedure imenovanja i nadzora definisani su u Programu utroška ostvarenih iz vodnih naknada za 2025. godinu i Odluci Vlade Srednjobosanskog kantona o usvajanju izmjena i dopuna Programa i kriterija utroška sredstava ostvarenih od vodnih naknada za 2025.godinu iz nadležnosti Ministarstva poljoprivrede, vodoprivrede i šumarstva SBK, broj 01-11.7-10028/2025 od 6.11.2025.godine.

Javni poziv je dio Programa poticaja vodoprivredi sa kriterijima utroška ostvarenih iz vodnih naknada za 2025. godinu uključujući Odluku Vlade Srednjobosanskog kantona o usvajanju izmjena i dopuna Programa i kriterija utroška sredstava ostvarenih od vodnih naknada za 2025.godinu iz nadležnosti Ministarstva poljoprivrede, vodoprivrede i šumarstva SBK, broj 01-11.7-10028/2025 od 6.11.2025.godine.

Broj: 06-21-10081/25

Travnik, 19.11.2025. godine

